

COMISIÓN INFORMATIVA DE CULTURA, DEPORTES E MOCIDADE

ACTA da mencionada comisión informativa, correspondente ó día **20 de setembro de 2018**

ASISTENTES:

PRESIDENTE: D. Manuel Doval Soto DEPUTADOS/AS: D. ^a Consuelo Vispo Seara D. José Antonio Feijóo Alonso D. Antonio Montero Fernández D. Miguel A. Cid Álvarez D. ^a M. ^a Teresa Cerdeira Valiñas D. Vicente Gómez García D. Adolfo González Nóvoa D. ^a Susana Rodríguez Rodríguez D. Armando Ojea Bouzo D. Ramiro Rodríguez Suárez SECRETARIO: D. Juan Marquina Fuentes INTERVENTORA ACCTAL: D. José Mosquera Casero	No Pazo da Deputación Provincial de Ourense, o 20 de setembro de 2018 , ás 18.00 horas, baixo a presidencia de don Manuel Doval Soto e con asistencia dos señores/as á marxe relacionados, reúnese a expresada comisión informativa, co fin de proceder á preparación e estudo dos asuntos que se indican, adoptándose os seguintes acordos:
--	---

1º.- ACTA ANTERIOR, CORRESPONDENTE Á ORDINARIA DO DÍA 19 DE XULLO DE 2018.-

En relación coa acta da reunión anterior, correspondente á ordinaria do día 19 de xullo de 2018, non se formulan observacións e queda aprobada por unanimidade.

2º.- FIXACIÓN DE PREZOS DE PUBLICACIÓNS QUE EDITARÁ A DEPUTACIÓN PROVINCIAL.-

O Sr secretario da Comisión dá conta do contido da proposta.

Non se producen intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte da Xunta de Goberno, do seguinte acordo:

- Fixar os prezos de venda ao público das seguintes publicacións, polos importes que se indican:

OBRAS	Custo maqueta/impresión + distribución	P.V.P proposto
Coedición da obra: Otero Pedrayo, R. (Outeiriño, Maribel, ed.): <i>Del Orense antiguo y otras colaboraciones</i>	Maqueta e impresión: 3.422 €. Dos que a Diputación paga o 80%=2.736,6 €. Exemplares para a Deputación: 300. -Custo da unidade sen distribuír: 9,12 € -Envío ás bibliotecas: 500 € -Custo total para a Deputación= 3.236 € [2.736,6+500]. P.V.P. estimado para cada exemplar 3.236 €: 300 = 10,78 € A cláusula segunda do convenio asinado entre as partes, estipula o P.V.P en 10 €	10 € [IVE incluído]
Domínguez Quiroga, M.J.: <i>Toponimia da Provincia de Ourense</i>	Maqueta e impresión: 9.889,40 €. Exemplares: 500. -Custo da unidade sen distribuír: 19,77 € -Envío ás bibliotecas: 500 € -Custo total para a Deputación 9.889,40+500= 10.389,40 € Prezo recomendado para cada exemplar: 500 = 20,70 €	21 € [IVE incluído]
Soutelo Vázquez, R.: <i>Entre Ourense e América</i>	Maqueta e impresión: 7.031,25 €. Exemplares: 500. -Custo da unidade sen distribuír: 14,06 € -Envío as bibliotecas: 500 € -Custo total para a Deputación 7.031,25+500=7.531,25 € Prezo recomendado para cada exemplar € : 500 = 15,06 €	15 € [IVE incluído]
Rodríguez Gracia, V. [et al.]: <i>Flora de la provincia de Ourense: Cuenca baja del río Loña</i>	Maqueta e impresión: 5.989,58 €. Exemplares: 500. -Custo da unidade sen distribuír: 11,98 € -Envío ás bibliotecas: 500 € -Custo total para a Deputación 5.989,58+500=6.489,58 € Prezo recomendado para cada exemplar 6.489,58 € : 500 = 11,98 € Hai outro libro desta colección e dos mesmo autores que ten un P.V.P. de 13 €	13 € [IVE incluído]

Dasairas Valsa, X.: <i>Terras da Mezquita e a Seabra</i>	Maqueta e impresión: 5.500 €. Exemplares: 500. -Custo da unidade sen distribuír: 11 € -Envío ás bibliotecas: 500 € -Custo total para a Deputación 5.500+500=6.000 € Prezo recomendado para cada exemplar € : 500 = 12 €	12 €[IVE incluído]
Lorenzo Pérez, C. D.: <i>Celanova ten unha foto</i>	Maqueta e impresión: 3.291 €. Exemplares: 500. -Custo da unidade sen distribuír: 6,58 € -Envío ás bibliotecas: 500 € -Custo total para a Deputación 3.291+500=3.791€ Prezo recomendado para cada exemplar € 3.791: 500 = 7,5 €	8 €[IVE incluído]

3º.- DACIÓN DE CONTA DO ACORDO DA XUNTA DE GOBERNO DE APROBACIÓN DA PROGRAMACIÓN ANUAL DA ESCOLA DE DANZA E FIXACIÓN DE PREZOS PÚBLICOS PARA O CURSO 2018-2019.-

Por parte do Sr. secretario da Comisión dáse conta do acordo adoptado pola Xunta de Goberno do 2 de agosto de 2018, por razóns de urxencia, quedando informados os membros da Comisión.

4º.- CONVENIO ENTRE A DEPUTACIÓN PROVINCIAL DE OURENSE E O CONCELLO DE XINZO DE LIMIA PARA A TRANSFERENCIA Á DEPUTACIÓN PROVINCIAL DO MUSEO GALEGO DO ENTROIDO EN XINZO DE LIMIA.-

O Sr. secretario da Comisión expón o contido da proposta e da emenda ao dito Convenio.

Don Ramiro Rodríguez Suárez, deputado do BNG, formula a dúbida de se a cesión de uso á Deputación Provincial é indefinida ou por un prazo de 4 anos.

O Sr. secretario da Comisión contesta que se configura como un convenio de tracto único polo que unha vez producida a cesión de uso este se converte en indefinido, salvo que se dea o suposto de reversión previsto no propio convenio.

Don Adolfo González Nóvoa, deputado do Grupo Socialista, pregunta se se coñece que hai un local na planta baixa do Museo que agora mesmo esta sendo utilizado pola Asociación da Pantalla.

O Sr. secretario da Comisión contesta que precisamente a emenda da Presidencia vai nesa liña para conveniar con esta Asociación e coa Fundación Carlos Casares as condicións da súa posible integración, así como as das súas coleccións no Museo.

Non se producen intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte do Pleno, do seguinte acordo:

1º) Aprobar o convenio entre a Deputación Provincial de Ourense e o Concello de Xinzo de Limia para a transferencia á Deputación Provincial de Ourense do Museo Galego do Entroido en réxime de servizo supramunicipal de competencia provincial, conforme ás seguintes cláusulas:

Anexo: proxecto de convenio entre a Deputación Provincial de Ourense e o Concello de Xinzo de Limia para a transferencia á Deputación Provincial de Ourense do Museo Galego do Entroido

Primeira.- Obxecto:

Constitúe o obxecto do presente convenio a regulación da transferencia do Museo Galego do Entroido, actualmente dependente do Concello de Xinzo de Lima, á Deputación Provincial de Ourense.

En virtude do presente convenio, o Concello de Xinzo de Limia acorda a transferencia do servizo público municipal do Museo Galego do Entroido á Deputación Provincial de Ourense, que expresamente asume este servizo en réxime de competencia propia e como servizo público cultural de carácter supramunicipal.

A transferencia do servizo e a súa transformación nun servizo público supramunicipal xustifícase, dunha banda, polo carácter de servizo público municipal non obrigatorio do Museo, e doutra banda, pola circunstancia da concorrencia dun interese supramunicipal no mantemento do servizo, ao ser o seu obxecto – a conservación e difusión do patrimonio cultural vinculado ao entroido de Ourense – unha cuestión de interese do conxunto da provincia, excedendo o ámbito do municipio de Xinzo de Limia. O fundamento legal da transferencia baséase na competencia provincial prevista no artigo 36.1.c) da Lei de Bases do Réxime Local e 117 da Lei de Administración Local de Galicia, prevendo esta última norma a fórmula do convenio para a asunción do servizo por parte da Deputación.

A transferencia do servizo será efectiva a partir da data da entrega das instalacións afectas ao servizo á Deputación Provincial, que se formalizará mediante acta conforme ao previsto na cláusula seguinte.

Segunda.- Cesión de uso á Deputación Provincial de Ourense do inmovible dedicado ao Museo Galego do Entroido. Mutación demanial do inmovible.

Coa transferencia do servizo, o concello de Xinzo de Limia cede á Deputación Provincial o uso do inmovible situado na rúa Dous de Maio, nº 27, en Xinzo de Limia, dedicado a Museo Galego do Entroido, con tódolos seus accesorios e pertenzas. Esta cesión é consecuencia da mutación demanial do inmovible, que en virtude da transferencia do servizo queda expresamente afectado ao servizo supramunicipal de titularidade provincial.

A cesión de uso derivada da mutación demanial do inmovible implicará a atribución á Deputación das facultades de xestión do dito inmovible.

Nos mesmos termos, a Deputación subrogarase nas relacións xurídicas do Concello cos titulares dos bens móbiles actualmente depositados e custodiados no Museo, que constan no inventario anexo a este convenio. Para estes efectos, a Deputación negociará cos titulares dos ditos bens as condicións para o seu mantemento como fondos do museo.

Sen prexuízo do anterior, a titularidade dominical do inmovible continuará a corresponder ao Concello de Xinzo de Limia, conforme ao previsto no artigo 25.1 da Lei de Patrimonio da Comunidade Autónoma de Galicia.

A cesión de uso terá carácter indefinido, vinculándose ao mantemento do servizo público provincial do Museo Galego do Entroido ao que queda afectado o inmovible. A extinción deste servizo por calquera causa dará lugar á reversión do inmovible ao concello, libre de cargas e gravames, garantindo a Deputación o seu perfecto estado de conservación e uso.

A entrega do inmovible realizarase mediante acta asinada por un representante de cada unha das entidades, na que se conterá a súa descrición e estado no momento da entrega.

Terceira.- Réxime da xestión do servizo provincial do Museo Galego do Entroido pola Deputación Provincial de Ourense.

A Deputación Provincial xestionará o servizo en réxime de competencia propia, mediante calquera dos modos de xestión previstos na lexislación de réxime local.

Sen prexuízo do anterior, a Deputación Provincial dará participación ao Concello de Xinzo de Limia na xestión do Museo a través dun órgano complementario da Deputación, denominado Consello Asesor do Museo Galego do Entroido, con funcións de informe e seguimento. A participación neste órgano estará aberta ademais ao resto de entidades locais da provincia nas que o entroido teña un especial arraigo e ás entidades sen ánimo de lucro que realicen actividades de conservación e difusión do entroido ourensán.

A creación do Consello Asesor do Entroido realizarase mediante acordo do Pleno da Deputación, ao abeiro do establecido nos artigos 32.3 da Lei de Bases do Réxime Local, 103.1.b) da Lei de Administración Local de Galicia e 130 do Regulamento de Organización, Funcionamento e Réxime Xurídico das Entidades Locais.

Con respecto á colección de pezas relacionadas co entroido limiao de titularidade da Asociación Cultural A Pantalla de Xinzo de Limia; así como, á exposición permanente dedicada a Carlos Casares de titularidade da Fundación Carlos Casares, a Deputación Provincial negociará coas ditas entidades, a través dun convenio de colaboración, a forma de xestión das ditas colección.

Cuarta.- Execución e vixencia do convenio.

O presente convenio constitúe un negocio xurídico de tracto único, e se considerará plenamente executado coa realización das seguintes actuacións:

a) Coa entrega en uso do inmovible dedicado a Museo Galego do Entroido, conforme ao previsto na cláusula 2ª.

b) Coa creación do Consello Asesor do Museo por parte do Pleno da Deputación Provincial.

As ditas actuacións deberán levarse a cabo no prazo máximo dun mes dende a aprobación do convenio polo Pleno da Deputación Provincial de Ourense e o Pleno do Concello de Xinzo de Limia. En caso de incumprimento desta previsión, o convenio quedará automaticamente extinguido.

Unha vez realizadas as actuacións anteditas, o convenio quedará extinguido, sen prexuízo da subsistencia da obriga de reversión ao Concello de Xinzo de Limia do inmovible do Museo Galego do Entroido, derivada do réxime xurídico da mutación demanial establecida en virtude do presente convenio.

Quinta.- Natureza e réxime xurídico.

O presente convenio é un convenio interadministrativo entre dúas administracións públicas, conforme ao establecido no artigo 47.2.a) da Lei de Réxime Xurídico do Sector Público. O seu réxime xurídico será o propio destes convenios, conforme a regulación contida na dita Lei e demais disposicións legais aplicables.

Corresponderá aos órganos da xurisdición contencioso – administrativa a resolución das posibles controversias relativas á validez do convenio e á súa execución e efectos.

2º) Dar traslado do presente acordo ao Concello de Xinzo de Limia, para os efectos oportunos.

3º) Ordenar a publicación íntegra do texto do convenio e da súa memoria xustificativa no Boletín Oficial da Provincia, unha vez conste a súa aprobación polo Pleno do Concello de Xinzo de Limia, para público coñecemento do acordado.

5º.- CREACIÓN DO CONSELLO ASESOR DO MUSEO GALEGO DO ENTROIDO.-

O Sr. secretario da Comisión expón o contido da proposta.

Non se producen intervencións e co voto favorable do Grupo Popular (6) e a abstención do Grupo Socialista (3), de Democracia Ourensana (1) e do BNG (1), a comisión ditamina favorablemente a adopción, por parte do Pleno, do seguinte acordo:

1º) Crear o Consello Asesor do Museo Galego do Entroido, como órgano complementario da Deputación Provincial con funcións de informe e seguimento da xestión do Museo.

O Consello Asesor terá a composición seguinte:

Presidente: o da Deputación Provincial, ou deputado no que delegue.

Vogais:

a) O deputado – delegado en materia de cultura.

b) Un representante do Concello de Xinzo de Limia

c) Un representante de cada unha das entidades locais ou entidades sen ánimo de lucro que sexan titulares de fondos depositados no Museo.

d) Un representante de cada unha das entidades locais da provincia onde o entroido teña un especial arraigo.

e) Un representante das entidades sen ánimo de lucro que se teñan distinguido especialmente polo seu labor a prol da conservación ou difusión do entroido ourensán.

As entidades interesadas en participar no Consello ao abeiro do disposto nos apartados d) e e) deberán comunicar á Deputación a súa vontade en tal sentido, correspondendo ao propio Consello Asesor, mediante resolución motivada, a decisión de integralas na súa composición.

Actuará como secretario do Consello o Secretario Xeral da Deputación, podendo non obstante ser substituído por calquera outro funcionario provincial dos subgrupos A1 e A2.

O Consello Asesor deberá constituírse no prazo máximo dun mes dende a adopción do acordo da súa creación.

Será competencia do Consello Asesor a realización das seguintes funcións:

a) O seguimento da xestión do Museo. A tal efecto, o Consello reunirase cando menos unha vez ao ano, no primeiro cuadrimestre natural de cada exercicio, co obxecto de que por parte da Deputación se dea conta da xestión realizada.

b) A formulación de propostas relativas á ordenación e xestión do Museo Galego do Entroido.

c) A emisión de informe preceptivo previo á adopción por parte da Deputación dos seguintes actos ou acordos:

- A aprobación do programa museolóxico, do proxecto museográfico e do inventario de fondos do museo.

- A aprobación dos pregos de cláusulas dos contratos que teñan por obxecto a xestión do servizo do Museo.

O Consello Asesor emitirá igualmente informe cando así o decida o seu presidente.

No non disposto no presente acordo, o Consello Asesor rexerá polo establecido nos artigos 15 a 18 da Lei 40/2015, de Réxime Xurídico do Sector Público.

2º) Ordenar a publicación do presente acordo no Boletín Oficial da Provincia e n sede electrónica da Deputación, para xeral coñecemento, así como a súa notificación ás entidades interesadas.

6º.- DETERMINACIÓN DO MODO DE XESTIÓN DO MUSEO GALEGO DO ENTROIDO.-

O Sr. secretario da Comisión expón o contido da proposta.

Non se producen intervencións e co voto favorable do Grupo Popular (6) e a abstención do Grupo Socialista (3), de Democracia Ourense (1) e do BNG (1), a comisión ditamina favorablemente a adopción, por parte do Pleno, do seguinte acordo:

Determinar que o servizo público supramunicipal do Museo Galego do Entroido, creado en virtude do convenio de transferencia do dito Museo á Deputación Provincial, se xestione de forma indirecta, mediante calquera das fórmulas contractuais previstas na vixente Lei de Contratos do Sector Público. A fórmula concreta será establecida polo órgano de contratación no correspondente expediente que se tramite para o efecto.

O presente acordo farase público mediante anuncio inserido no Boletín Oficial da Provincia, para xeral coñecemento.

7º.- MOCIÓN DO BNG A FAVOR DA TERCEIRA AULA PARA 4º CURSO DE INFANTIL NO CEIP PADRE FEIXOO DE ALLARIZ A PETICIÓN DO COLECTIVO PRO TERCEIRA AULA DE ALLARIZ.-

D. Ramiro Rodríguez Suárez, portavoz do BNG, expón o contido da moción.

Non se producen intervencións e co voto favorable do BNG (1) e a abstención do Grupo Popular (6), do Grupo Socialista (3) e de Democracia Ourensana (1), a comisión ditamina favorablemente a adopción, por parte do Pleno, do seguinte acordo:

- Que a Deputación de Ourense se comprometa, dentro do seu ámbito de competencias e en cumprimento da lexislación vixente, a apoiar as reivindicacións do Colectivo Pro Terceira Aula e a instar das institucións competentes o desenvolvemento dunha política institucional activa, completa e favorable aos dereitos debidos para co alumnado do C.E.I.P. Padre Feixoo de Allariz, así como ao desenvolvemento de políticas a favor do desenvolvemento social e económico da Galicia Interior.
- Que a Deputación de Ourense se comprometa a transmitir a necesidade de que sexa atendida a solicitude dun/ha profesor/a máis en función do número de alumnos e alumnas matriculadas no 4º curso de Infantil 2018-19, destinando a tal efecto os recursos que sexan necesarios, tal como establece a Lei e é desexo de nais, pais, titores e titoras legais e do persoal laboral do C.E.I.P. Padre Feixoo de Allariz.
- Que a Deputación de Ourense convide a toda a cidadanía a sumarse á loita a favor do recoñecemento dos dereitos negados ao alumnado de 4º curso de Infantil do C.E.I.P. Padre Feixoo de Allariz.

8º.- MOCIÓN DE URXENCIA.- Non se presentan.

9º.- ROGOS E PREGUNTAS.- Nesta quenda prodúcense as seguintes intervencións:

D. Adolfo González Nóvoa, deputado do Grupo Socialista, pregunta ao presidente da Comisión se se lle pode dar traslado dos criterios que adopta a Deputación Provincial para subvencionar obras aos concellos para a creación de campos de fútbol de céspede artificial.

O **Sr. presidente da Comisión** contesta que se lle dará a oportuna contestación por escrito.

E, ás 18:25 horas, dáse por finalizada a reunión, redactándose a presente acta, que asinan o presidente e o secretario. Certifico.